

KƆRINTIDEENƆ TAKADA KAAKU

KƆrinti sƆsi gbẽƚƚ kƆkƆkƆƚƚana 1:1-4:21

KƆrinti sƆsi gbẽƚƚ durunkƆna 5:1-7:40

Wàgƚ kú kƚƚ ìàakario gƚƚna ñ zĩndanƆ yã musu 8:1-11:1

DƚnzikƆna 11:2-14:40

Gẽƚƚ fƆƆna 15:1-15:58

Pƚlu ìkpamma 16:1-16:24

Pƚlu ìkpama KƆrintideenƚa

¹ Mamƚma Pƚlu kƆ Luda ma sisi à ma sƆ lán à yezi nà, ma gƚ Kirisi Yesu zĩri ũ. Mapi kƚƚ wa gbẽƚƚ SƚsƚtenƆ, ² wámbe wa takada kƆ kƆ sƚsi kƆ kú KƆrintinƆ. Luda a sisi a gbẽƚƚ ũ, a kuuna adona Kirisi Yesu guu ìdo kƚƚ gbƆ kƆ aƚgƚ wa Dii Yesu Kirisi pì sisii gu pĩngianƚ, mƚwa kƆ wa Dii dƚnkƚƚ. ³ Luda wa De kƚƚ Dii Yesu Kirisio gbƆkƆƆ kƆare, à a gba aafia.

⁴ MƆgƚ Luda sáabu kƆƆ gurƚ sãnda pĩngi a yã musu gbƆkƆƆ kƆ à kƆare a kuuna Kirisi Yesu guu yãnzì. ⁵ Kuuna à guu pƚ pĩngi kàaraare, yã'ona pĩngi kƚƚ dƚna pĩngio, ⁶ zaakƆ wa Kirisi yã'onaaree kásãa pƆƆ a guu, ⁷ ben Luda Nini gba kee e kƆsãawaro, gurƚ kƆ a wƆƆ dƚ wa Dii Yesu Kirisi a zĩnda dƚbanazi. ⁸ Wa Dii Yesu Kirisi é tó à zƆ gbãa ai gurƚ lé ká, ì agƚ kuu taari sai à mógurƚ. ⁹ Luda náanƆ vĩ. Àmbe à a sisi, a gƚ kƚ gbƆ ũ kƚƚ à Né Yesu Kirisi wa Diio.

KƆrinti sƚsi gbẽƚƚ kƆkƆkƚƚana

10 Ma gbēno, ma naare wa Dii Yesu Kirisizi, àgɔ lédole vī kɔo a pínɡi, le kékékɔana e à yāa a té, à kɔ kú kɔn laasuu dɔnkɔo kɔn nɔseɔ do. 11 Má mà Koloe bɛdeenɔ lézĩ kè yákete kú a té. 12 Lán mà mà nán yè: A gbēkenɔ bè, wà zè kɔn Pɔluo. Gbēkenɔ bè, wà zè kɔn Apoloo. Gbēkenɔ bè, wà zè kɔn Pitao. Gbēkenɔ bè do, wà zè kɔn Kirisio. 13 Kirisi kékékɔanan yó? Wà Pɔlu pà lía a yānzin yó? A batisi kè kɔn Pɔlu tón yó? 14 Ma Luda sáabu kè, kè mée a gbēke batisi kero, séde Kirisipu kɔn Gayusio baasiro. 15 Lán à de nà le gbēke é e à be a batisi kè, a gɔ ma ìba ũro. 16 Eè, ma Setefana bɛdeenɔ batisi kè do. Beee baasiro, tó ma gbē pānde batisi kè, mée dɔn dɔro. 17 Kirisi e ma zĩ gbē batisikena yānziro, séde à baaru nna kpana. Èe ke kɔn yādɔonlo, le à gana lía tón ke páro yānzime.

Kirisi né Luda ɔndɔ kɔn à gbāaaome

18 Kirisi gana lía né mìsaiyāme gbē kè aɔɔe sāsāanɔne. Wamɔwa kè Ludaa e wa mì sínɔ sɔ, à dewe à gbāaa ũ. 19 À kēna Luda yān wà bè: Mé ɔndɔrinɔ ɔndɔò mì de, mé wéezērinɔ wéezēe ke pā.

20 Ɔndɔri kú máme? Takadadɔri kú máme? Anduna tiaa kèki yāpingidɔri kú máme? Ludaa e anduna ɔndɔò die mìsaiyā ũroo? 21 Luda ɔndɔò guu, èe tó anduna gbēno a dɔ kɔn n̄ zĩnda ɔndɔòoro. À kène à gbē kè aɔɔe a náane keeno mì sí waazi kè wà die mìsaiyā ũu pì gāzĩ. 22 Yudanɔ ye dabudabuzi, Girikinɔ è ɔndɔò wete. 23 Wamɔwa sɔ, Kirisi gana lía kpàakpaan wée kee, ben è tó Yudanɔ kpagula, bori pāndenɔ è be mìsaiyāme, 24 mɔde gbē kè Luda n̄ sísi à n̄ sénɔ, Yudanɔ kɔn Girikinɔ n̄ pínɡi, Kirisi deñne Luda gbāaa kɔn à ɔndɔò ũ. 25 Luda mìsaiyā pì de

gbēntee ōndōla. Luda gbāasaikεε pì de gbēntee gbāaala.

²⁶ Ma gbēno, à gwa dian á de nà gurō kè Luda a sisi. Danō kiia a paridee ōndōro, a paridee gbāadee ūro, a paridee kíne ūro. ²⁷ Luda gbē kè aō de anduna mīsaidee ūuno sè, le à wí dao ōndōrinōa. À gbē kè aō de anduna gbāasaidee ūuno sè, le à wí da gbāadeenōa. ²⁸ À gbē kè anduna ní díe kpεεdeenō ū, kè wè kyakańgu bensō aō yā ègō kuuroonō sè, le à gbē kè aō yā ègō kuunō ke kpεεdeenō ū, ²⁹ le gbēke tón e à ĩa dā Luda aero. ³⁰ Apinō sō, Ludaa tò á kú Kirisi Yesu guu, ben à gò wa ōndō ū. Kuuna Kirisi pì guu Ludaa tò yā bōwao nna, wa kuuna adona, bensō à wa mì sī. ³¹ Bee yānzi lán à kēna Luda yān nà, tó gbē yezi à ĩa dā, à dā Dii yā musu.

2

Kirisi kōn a gana lía yāo

¹ Ma gbēno, kè ma mō a kiia, ma mō Luda yā kpàakpaa keareme, èe ke ma mō ōndō gbāaa ke lénnaa kearenlo. ² Ma zεo kè mé yāke oarero, séde Yesu Kirisi yā baasiro, atēnsa à gana lía yā. ³ Ma mōna a kiia guu ma mō kōn kùvīio kōn vīao kōn lugaluganao. ⁴ Ma waazikena guu méε yā o kōn lénnao ke ōndōoro. Má ò kōn Luda Nini gbāaa òòanaome, ⁵ le a ludanaanekena tón bō gbēntee ōndō guuro, sé Luda gbāaa guu.

Ōndō kè Luda Nini è dańne

⁶ Baa kōn beeeo weè ōndōyā o gbē kàsaanone. Èe ke anduna tiaa kèki ōndō ke à gbāadee kè aō gbāaa e yāanō pónlo. ⁷ Luda ōndōon wée oo, à poyezi kè

utena yāa pì. À gĩake à dìe wa gakui ena yānzi zaale èe anduna káero. ⁸ Anduna tiaa kèki gbāadee ke ɔ̀ndɔ̀ pì dɔ̀ro. Tó aɔ̀ dɔ̀me yā, le aɔ̀e Dii gakuide pá líaro. ⁹ Lán à kēna Luda yān nà wà bè:

Pó kè wée e ero bensɔ̀ swā e maro,

à laasuu e gē gbēke swē guuro,

àmbe Luda à soru kè gbē kè aɔ̀ yezinɔ̀ne.

¹⁰ Ludaa ɔ̀ɔ̀awe kɔ̀n a Nini gbāaa, zaake à Ninii pì yā píngi tāsikena, baa kɔ̀n Luda asii bítanɔ̀.

¹¹ Gbēkee a daa nòse guu yā dɔ̀ro, tó èe ke à ninii kè kú à guu baasiro. Leme ɔ̀ gbēkee Luda nòse guu yā dɔ̀ro, tó èe ke Luda pì Ninii baasiro. ¹² Anduna kè niniin wá èro, Ninii kè bò Luda kiian wá è, le wà gbaa kè Ludaa dàwee dɔ̀.

¹³ Yā kè wée oon gwe, èe ke yā kè gbēntee ɔ̀ndɔ̀ è dańnenlo, yā kè Luda Nini è dańnemε. Len weè Luda Nini yā bokɔ̀te gbē kè aɔ̀ Luda Nini vīnɔ̀ne le. ¹⁴ Anduna gbē è Luda Nini yānɔ̀ síro, zaake à denε misaiyā ūme. Eé fɔ̀ à à mì dɔ̀ sero, zaake Luda Nini pì gbāaan wè à yā zé dɔ̀.

¹⁵ Gbē kè Luda Nini è dɔ̀ne aezĩ è yā píngi zé dɔ̀, gbēke sɔ̀ zé vī à à zaa boro. ¹⁶ À kēna Luda yān wà bè: Dé bé à Dii nòse dɔ̀ gbasa à lé daa? Mòde wapinɔ̀ wá Kirisi nòse vī.

3

Zíkēna Ludane

¹ Ma gbēnɔ̀, mée fɔ̀ mà yā òare lán mēè o gbē kè Luda Ninii dɔ̀nne aenɔ̀ne bàro, ben má òare lán anduna gbēnɔ̀ bà, zaake nékpántēnɔ̀n a ũ Kirisi guu. ² Zwiin má kpàawa, èe ke pò lɔ̀madeenlo, zaake ée ká kòro. Baa ai tia ée káro, ³ zaake dàdeenɔ̀n a ũ ai tia. Lán á zakɔ̀n nà, bensɔ̀ á yākete vī, dàdeenɔ̀n a ũroo? A dà bé à ɔ̀are aε. ⁴ Kè a gbēke bè a zε

kōn Pōluo, ben gbē pānde bè a ze kōn Apoloo, á kú kōn a dàon gweroo? ⁵ Dén Apoloo ũu? Dén Pōlu ũu? Zīkerinon wa ũ, ben a Kirisi náane kè wa gāzī. Wa baade e zīi kè Dii dàne keeme. ⁶ Ma pó t̃, Apolo í kàne, ben Ludaa tò à gbā. ⁷ Leme pótōri kōn íkario de pōke ũro, sé Luda kè è tó à gbā. ⁸ Pótōri kōn íkario sáame. Aǎ baade é a àre e a zī lémmē. ⁹ Luda zīkeri daanon wa ũ. Luda búgben a ũ, Luda kpén a ũ.

¹⁰ Gbaa kè Ludaa dàme bé à tò ma ēe kpàe lán ēbori gonidee bà, ben gbē pānde m̀ èe kpé pì boo. Baade làakari ke a kpébonaa, ¹¹ zaake gbēke é f̃ à ēe ke kpàe doro, sé ēe kè kpaena Yesu Kirisi ũu baasiro. ¹² Tó gbē kpé pì d̀ kōn vuraò ke kondogi ke gbè bèede ke tó à d̀ kōn lío ke lá ke s̃, ¹³ baade zī yāpura é b̀ gupuraaa. Weé e yākpaekegur̃ zī, zaake gu é d̀ kōn téome, weé baade zī taka gwa té pì guu. ¹⁴ Tó gbē zīi kè à kè b̀ tén aafia, adee é àre e. ¹⁵ Tó gbē zī té kù, eé mónzi e, adee é b̀ okori lán wè b̀ tén nà.

¹⁶ Á d̃ kè Luda kpén a ũ, Luda Ninii kú a guuroo? ¹⁷ Tó gbē Luda kpé pì yàka, Luda é adee kaate, zaake kpé pì kuuna adoname, bens̃ ámbē kpé pì ũ.

¹⁸ Gbēke tón a zīnda sāsāro. Tó a gbēkee e a zīnda diēe anduna kèki òndōri ũ, à g̃ñne m̀saidee ũ le à e à òndō kù. ¹⁹ Zaake anduna kèki òndō de Ludane m̀saiyā ũme. À kēna Luda yān wà bè: È òndōrino kù n̄ wéezēe guu. ²⁰ À kēna d̀: Dii d̃ kè òndōrino laasuu pā. ²¹ Bee yānzi gbēke tón ĩa dā gbēntee yā musuro. Pó píngi né a pómē: ²² Pōlu, Apolo, Pita, anduna, wèndi, gaa, tia póno, zia pónon yoo, à píngi né a pómē. ²³ Apino s̃, Kirisi pón a ũ, Kirisi s̃ né Luda pómē.

4

Kirisi z̀irinŏ

¹ Bee yānzi à wa gwa Kirisi z̀ikerinŏ ũ, Luda asiiyā gwàrinŏ ũ. ² À kōsio gwàrinŏ gō náane vī. ³ Tó apinŏ ke gbēntee yākpækkerinŏ ma taari è, yā pāame ma kiia. Mèè ma z̀inda maakee ke zaakee ero. ⁴ Yākee e ma kù vīro, mōde bee é ma boro, Diin ma yākpækkeri ũ. ⁵ Bee yānzi àton gīake à gbēke taari e Dii mógurŏ ũ. Àmbe eé guu pu pò kè utena gusiaan-a à nòse yā bŏ gupuraa. Z̀i beean baade é ma, dian Luda é a sáabu kpá nà.

⁶ Yā kè má òaree kènŏ, má ò mapi kōn Apoloo yā musume, le àgō yā kèkii dō: Wàton vī Luda yálaro. A gbēke tón ãa dā, à ze kōn gbē dooo, à bŏ gbē doo kpεero. ⁷ Bó n deónlaa? N pòke vī n z̀indane, kè wèè n gbaró? Wà n gba, ben néè ãa dāa lán wèè n gbaroo bàs? ⁸ A kān gwe kòs? A ke ɔdeenŏ ũn gwe kòs? Ée kí blee wa sain gwe? Má yezi àgō kí blee, wàgō ledō. ⁹ Zaake má è wamŏwa Luda z̀irinŏ, Luda wa die zāa lán gbē kè wèè n de pari wáano bàme. Gu sānda píngi gbēnŏ wée fīwa, malaikanŏ kōn gbēnteenŏ n píngi. ¹⁰ Wa gō mīsaideenŏ ũ Kirisi yānzi, ben kuuna Kirisi pì guu á de òndōrinŏ ũroo? Wá busana ben á gbāa vīroo? Wá kpεbŏna ben á kpedanaroo? ¹¹ Ai tia nŏaa kōn ímiio e wa deε, wá té búu, wa gō pògbēnanŏ ũ, besaideenŏ ũ. ¹² Weè z̀i gbāaa ke ai wà kpasa. Tó wà wa ka, weè sa maaa oñneme. Tó wà ãa dàwa, weè mena fī. ¹³ Tó wà wa sōsō, weè agbaa kpánneme. Ai tia wèè wa dieε anduna bŏtŏ pónŏ ũ, baade píngi bùsa ũ.

14 Mée yā kèkii oare wídanaawaa yānzinlo. Mée a gbaa làakari ma né yenzideenŋ ùmε. 15 Baa tó Kirisi guu a gwàrinŋ kà gŋŋn ùgbangba, a de'ina pariro. Mámbe ma a i kŋn Kirisi Yesu baarunnakpanaa-reeo, ben á kú à guu. 16 Bee yānzi mée agbaa kpaare, àgŋ té ma zékpaεzi. 17 Bee yānzin ma a né yenzide Timŋti zìawazi. Àpi né náanεdeemε Dii guu, àmbe eé ma kuuna Kirisi guu yākεna dŋagu. Yā kè mεè dañne sŋsinŋ guun gwe. 18 A gbēkenŋ e ãa dāa, lán mé mŋ a gwaroo bà. 19 Tó Dii wè, mé mŋ a gwa tia, mé ãadāri pinŋ gbāa lé e, èe kε aŋ yā'ona adonlo. 20 Zaake kpata kè bŋ Luda kiia né yā'ona yānlo, gbāaamε. 21 Á yezi diamε? Mà móazi kŋn gŋŋn yŋ, ke mà mŋ kŋn yenzio kŋn nŋseyĩiomε?

5

Pāpākεna sŋsi gbēnŋ té

1 Má mà pāpākεna gè a té, yā kè à taka kú baa kifinŋ té sero. Wà bè, a gbēnŋ doke a de nŋŋ sì. 2 Ben ée ãa dāaŋ? À kŋsìo a nŋse yakamε, à gbē kè yā pì kè bŋ a té. 3 Baa tó má kúao, ma ninii kúao, ben ma yākpae kè kŋn gbē kè yā pì kèo gŋŋ lán wà be má kú gwee bà. 4-5 Tó a kŋ kākŋa, tó wa Dii Yesu gbāa kúao, tó ma ninii kúao, à gbē pì kpá Setān-a kŋn wa Dii Yesu tŋo, le à dà kaate, à ninii e à bŋ aafia Dii mŋgurŋŋ zī.

6 A ãadāna maaro. Á dŋ kè buredi ēzē fēte è flawadεna bíta sésεroo? 7 Á buredi ēzē zi kwéε, é gŋ flawa dufu ū a sésε'ēzē sai, lán à kŋsìo àgŋ de nà, zaake Kirisi gà wa Banla sāne bŋrŋ ùmε. 8 Bee yānzi wàgŋ kuu buredi sésε'ēzēsai zībaakerinŋ ū yāpuraa

guu kɔn nɔse puraao. Wàtongɔ kuu burɛdi sɛsɛ'ɛzɛ zi zĩbaakerinɔ ũ mɔnafiki kɔn zaakenao guuro.

⁹ Takada kɛ má kɛare guu ma bè, àton kakɔa kɔn pãpãkerinɔoro. ¹⁰ Èe ke anduna kɛ pãpãkerinɔ ke wãkũdeenɔ kɔn gbɛblerinɔ ke tãagbãgbãrinɔnlo, zaake tó gbɛ beenɔme, séde é bɔ anduna guu. ¹¹ Auo, má òare gbɛ kɛ wà bè wa gbɛme, bensɔ à de pãpãkeri ke wãkũdee ke tãagbãgbãri ke gbɛyakari ke wɛderi ke gbɛbleri ũ, àton kakɔaoro, àton ɔ kakɔao sero. ¹² Ma bà ũgba kɔn yãgɔgɔna kɔn Yesusaideenɔ? A zĩnda gbɛnɔ bé à kɔsio à yã gɔgɔnyoroo? ¹³ Luda bé eé yãkpaɛ ke kɔn Yesusaideenɔ. À gbɛ zaaa pì bɔ a té.

6

Yãkpaɛkena kɔo

¹ Tó a gbɛke yã vĩ kɔn a Yesude daaao, bɔyãnzɪ è gá yãkpaɛ ke kɔn adeeo Luda gbɛnɔ kiiaziroo, sé ludadɔrisainɔ kiia? ² Á dɔ kɛ Luda gbɛnɔ bé weé yãkpaɛ ke kɔn andunaoroo? Lán ámbɛ é yãkpaɛ ke kɔn andunao nà, ée ká à yãketenɔ gɔgɔroo? ³ Á dɔ kɛ wámbe wé yãkpaɛ ke kɔn malaikanɔoro? Weé anduna kèki pɔ o dɔ? ⁴ Tó á yã beee taka gɔgɔna vĩ, é gbɛ kɛ aɔ de sɔsi gbɛnɔne póke ũroonɔ sé yãgɔgɔrinɔ ũs? ⁵ Ma beee ò le mà wí daawa yãnzime. Á gbɛke vĩ a té kɛ à ɔndɔ kà à a gbɛnɔ yã gɔgɔnneroo? ⁶ Séto a gbɛ doo a gbɛdaaa sísi yãkpaɛa Yesusaideenɔ kiia? ⁷ Lán á yã vĩ kɔn kɔo nà, a sãsã yãa kò mámmam. Bɔyãnzɪn é we wà a takii keroo? Bɔyãnzɪn é tó wà a bleroo? ⁸ Apinɔ eè gbɛ takii ke, eè gbɛ ble, baa a kɔ tɛɛ. ⁹ Á dɔ kɛ gbɛ zaaanɔ

é gē kpata kè b̀ Luda kiia guuroo? Àton a zĩnda sàsàro, p̀p̀p̀akerinɔ ke t̀agb̀agb̀arinɔ ke zinakerinɔ ke g̀g̀gb̀e kaaruanɔ ke gb̀e kè ašè dae k̀n n̄ g̀g̀gb̀e daaaonɔ ¹⁰ ke kp̀ainɔ ke ẁak̀ũdeenɔ ke ẁed̄erinɔ ke gb̀eyakarinɔ ke gb̀eblerinɔ, aš gb̀eke é gē kpata kè b̀ Luda kiia guuro. ¹¹ A gb̀ekenɔ de lem̄e ỳ, ben a zú ò, a g̀ Luda p̀ ó ũ, Ludaa tò ỳ b̀ao nna k̀n Dii Yesu Kirisi t̀o k̀n wa Luda Nini gb̀aaao.

Ẁa p̀p̀akerena t̀o

¹² Èè be, á ỳ p̀ngi kena zé v̄ime. M̀de ỳakenɔ àre v̄iro. Èè be, á ỳ p̀ngi kena zé v̄ime. M̀de àton t̀o ỳake bà k̀are a ỳnlo. ¹³ Èè be do, p̀blee né ǹse p̀ome, bens̄o ǹse né p̀ble p̀ome. Baa k̀n beeeo Luda é n̄ p̀ngi kaate. M̀ né p̀p̀akerenlo, Dii p̀ome, bens̄o Dii bé mè p̀ gẁari ũ. ¹⁴ Luda wa Dii b̀ gaan, bens̄o eé wa b̀ gaan k̀n a gb̀aaao. ¹⁵ Á d̄ kè a mè bé Kirisi m̀eguunɔ ũroo? Weé Kirisi m̀egu sé ẁa ke kaarua m̀egu ũn ỳ? Ẁaton ero! ¹⁶ Á d̄ kè gb̀e kè k̀k̀ša k̀n kaaruao k̀o mè d̄nk̀nloo? À k̀ena Luda ỳn ẁa bè, aš g̀on plaa é g̀ mè doo ũ. ¹⁷ Gb̀e kè k̀k̀ša k̀n Dii k̀o m̀en do Ninii guu. ¹⁸ À k̀e p̀p̀akerena. Durun p̀ande kè gb̀e è ke p̀ngi bà k̀ú à m̀oro. P̀p̀akeri s̄ è durun ke a m̀enem̄e. ¹⁹ Á d̄ kè a mè bé Ninii kè Luda a gba, kè k̀ú a guu kp̀e ũroo? Ámbe á a zĩnda v̄iro, ²⁰ Luda a lu, à f̄ia b̀o. Bee ỳanzi à Luda t̀o b̀ k̀n a mèo.

7

Ǹsena

¹ Takada kè á kè ỳ musu, à maame g̀g̀gb̀e g̀ kuu nɔgb̀e sai. ² M̀de kè p̀p̀akerena dàgula ỳanzi, g̀g̀gb̀e

píngi gŏ a zĩnda nɔɔ vĩ, nɔgbẽ píngi gŏ a zĩnda gɔɔ vĩ. ³ Gɔgbẽ gae pɔ kè kɔsìo ke a naɔne. Nɔgbẽ gae ke a zãne le se dɔ. ⁴ Nɔgbẽ mè kuu a zĩnda pɔ ũro, sé à zã pɔ ũ. Leme dɔ gɔgbẽ mè kuu a zĩnda pɔ ũro, sé à naɔ pɔ ũ. ⁵ Àton gíkɔnero, séde á màkɔne, le à làakari dɔ aduakena gĩa, gbasà à a kena ke, le Setãn tón òndɔ keare, à fu menaaro yãzi. ⁶ Lén má dàawa, èe ke tiasinlo. ⁷ Má yezi baade píngi gŏ de lán ma bà, mɔde baade kɔn a gbaa kè Ludaà dànɔme, gbẽ kè kɔn a pɔo, gbẽ kèkãa kɔn a pɔo.

⁸ Mée yã kèkii oo pɔseɔne kɔn gyaanɔ. À maa aɔgŏ kuu nído lán ma bà, ⁹ mɔde tó aɔé fŏ wà ní zĩnda kũro, aɔ nɔɔ sé, aɔ zã ke, zaake kɔsena maa de lugana kɔzila.

¹⁰ Mée yã diɛ nɔdeenɔne kɔn gɔdeenɔ, èe ke mapinlo, Diime. Nɔgbẽ tón gí a zãziro, ¹¹ gɔgbẽ tón pé a naɔaro. Tó nɔgbẽ gà à gí a zãzi, à gŏ pɔse kesŏ à ɛara a zãzi.

¹² Mée oo gbẽ kpaaanɔne, èe ke Dii bé à òro. Tó a gbẽkee nɔ Yesusaidee vĩ, ben nɔɔ pì yezi àgŏ kúo lèdo, àton péaro. ¹³ Leme dɔ tó nɔgbẽ gŏ Yesusaidee vĩ, ben gŏ pì yezi àgŏ kúo lèdo, àton gíziro. ¹⁴ Zaake Luda è gŏ Yesusaidee sí a naɔ yãzi, bensŏ è nɔ Yesusaidee sí a zã yãzi. Tó lenlo, aɔ néno égŏ gbãšime. Mɔde tia aɔ kuuna adona. ¹⁵ Tó Yesusaidee pì gízi, à gízi. Yã beee taka guu aɔ kuuna kɔn kɔo né tiasinlo. Luda a sisi, à a se àgŏ kuu aafiamɛ. ¹⁶ Nɔgbẽ, ke né n zã mì sí, ní dŏs? Gɔgbẽ, ke né n naɔ mì sí, ní dŏs?

À ze kɔn a gwenao

¹⁷ Baade ze kɔn a gwena kè Luda à diɛn-o gurɔ kè Dii à sisi. Len mèè daɔne le sɔsinɔ guu píngi. ¹⁸ Luda gbẽ sisi bångukenan yoo, àton wetɛ à ke gefɔdee

ũro. Luda gbẽ sisi gefɔɔdeen yoo, àton bǎngu kero. ¹⁹ Bǎngukena yáke vĩro, bensɔ gefɔɔ yáke vĩro, sé àgɔ yá kè Ludaa dieno kūna. ²⁰ Lán baade kuu ná gurɔɔ kè Luda à sisi, à zεo le. ²¹ Luda n sisi zò ũun yoo? Nton bídi kero. Mɔde tó n ga n gɔna wẽene ũ zé è, n bɔ zòbleen. ²² Zò kè Dii à sisi gɔ wẽene ũ Dii pì guume. Leme do wẽene kè Dii à sisi gɔ zò ũ Kirisi guu. ²³ Luda a lu, à fĩa bò. Àton gɔ gbẽntee zò ũro. ²⁴ Ma gbẽno, lán baade kuu ná gurɔɔ kè Luda à sisi, à zε kɔn Ludao le.

Pɔsɛeno kɔn gyaanɔɔno

²⁵ Pɔsɛeno yá musu mée yáke ma Dii kiiaro, mɔde lán má náane vĩ Dii sùu guu ná, lán ma laasuu de nán mé oare. ²⁶ Nawěa kè kuu tia bé à tò, mée daa à maa kè gbẽ zε kɔn a kuunao. ²⁷ Tó n nɔɔ vĩ, nton be né à gbarero. Tó n vĩ sɔro, nton wete n séro. ²⁸ Tó n sè sɔ, née durun kero. Tó nɔkpare zǎ kè sɔ, èe durun kero. Gbẽ beeno é yá e andunan, ben má yezi beee taka a lero. ²⁹ Ma gbẽno, yá kè mée oon yè: Gurɔɔ e gɔ zǎro. Zaa tia nɔdeen gɔ lán gbẽ kè vĩroonɔ bà. ³⁰ Ɔɔɔrinɔ gɔ lán gbẽ kè aɔɔe ɔɔ doɔroonɔ bà. Pɔnnadeeno gɔ lán gbẽ kè aɔ pɔɔ nnaroonɔ bà. Pɔlurinɔ gɔ lán gbẽ kè aɔ pɔke vĩroonɔ bà. ³¹ Andunablerinɔ gɔ lán gbẽ kè aɔɔe bleeroonɔ bà, zaake lán anduna kè kuu ná tiaa e gẽtεeme.

³² Má yezi àgɔ kuu kǎhǎn saime. Pɔsɛe è làakari do Dii yǎnɔa, yá kè kè Diinen è ke. ³³ Nɔdee è làakari do anduna yǎnɔa, yá kè kè a naɔnen è ke, ³⁴ à laasuu ègɔ kpàatena. Nɔgbẽ pɔsɛe ke nɔkpare è làakari do Dii yǎnɔa, è a mè kɔn a ninii kpáa. Nɔzǎree sɔ è làakari do anduna yǎnɔa, yá kè kè a zǎnen è ke. ³⁵ Èe ke mée

gata kpaaarenlo. Ma beee ò a aafia yānzime, le à yā ke a zéa, à a zīnda kpá Diia gu pānde gwana sai.

³⁶ Tó gbē nɔkpamma vī, tó à ségurɔɔ e gēε, ben à kènε wíyā ũ, tó à à kàka lán kè bà, à à sé lán à kènε nà, èe ke durun ũro. Aã kō sé. ³⁷ Mɔde tó à yā pì bò a nòsemme, ben tiasi e à kákaro, ben à a zīnda kūna dō, tó à dà a swèn kè é a nɔkparε pì séro, à kè maame. ³⁸ Lemε gbē kè a pò sè kè maa, mɔde gbē kè èe a pò séroo kè maa de beeela.

³⁹ Nɔgbē né a zā pómε gurɔɔ kè à zā kú kōn wèndio. Tó à zā gà à anduna tò, à zé vī à zā ke kōn gɔɔ kè à yezio, mɔde gɔɔ pì gō kuu Dii pò ũ. ⁴⁰ Baa kōn beeeo tó à gò pɔse, méε daa à pɔɔ égō nna de tó à zā kèla. Méε daa mapi, má Luda Nini vī se.

8

Sa'opɔblee

¹ Sa'opɔblee yā musu, wá dō kè wa pínɡi wa dōna vī. Dōna sɔɔ yòkō vī, yenzi bé à kaarana vī. ² Tó gbē e daa á yā dō, èe dō dian à kō sio à dō nà gīaro. ³ Tó gbē ye Ludazi, Ludaa à dō. ⁴ Tò, sa'opɔblena yā musu wá dō kè tāa né pókemε anduna guuro, zaake Luda mèn do kuunan wá dō. ⁵ Baa tó pò kè wè beñne tāanɔɔ kú musu kōn tɔɔteo, ben danɔ kiia tāanɔɔ dimmε, diinɔɔ dimmε, ⁶ wa kiia Luda mèn domε, àmbe wa De ũ, kè pò pínɡi bò à kiia bensō wá kuu à yānzi. Dii mèn domε dɔ, àmbe Yesu Kiriisi ũ, kè pò pínɡi kè, bensō wá kuu à gāzī.

⁷ Mɔde baade pínɡi dō lero. Gbēkenɔ kō dō kōn tāa yāo ai tia, ben ašè pò kè wèe blee diε sa'opɔblee ũ, aš yāke dōkōziro, ben aš laasuu kú zéa dɔro. ⁸ Póblee bé eé wa na Ludaaro. Tó wée blero, kēsānanlo. Tó

wá blè, kaarananlo. ⁹ À làakari ke a kuuna wēeneno ũuzi, le àton ke gēnsikii ũ gbē kè ludanaanekena kēsānmanonero. ¹⁰ Mmōn kè n̄ dōna vī, tó gbē kè yāke dōkōziroo n e, n̄eé pó bleetāa kuu, eé à gba swè à sa'opō ble seroo? ¹¹ Tó n̄ kè le, n̄ dōna n gbēdaaa kè ludanaanekena kēsāna kè Kirisi gā à yānzi kàaten gwe. ¹² Tó a durun kè a Yesude daanone a gbē kè yāke dōkōziroo kari kèn gwe, bensō Kirisin a durun kèn. ¹³ Beee yānzi tó ma n̄bōsona bé eé tó ma Yesude daa fu, mé só ziki doro, le ma Yesude daaa tón furo yānzi.

9

Zìrin̄ n̄ zīnda busana Kirisi baaru nna yānzi

¹ Má a zīnda vīnloo? Zìrin ma ũroo? M̄eé w̄eé si wa Dii Yesuleroo? Àmbe á de ma zīi gbè ũ Dii guu fá?

² Baa tó má de zìri ũ gbē pāndenonero, má deare à ũ fá. Kuuna Dii guu ma z̄irik̄e sèedan a ũ.

³ Yá kè m̄eé o ma zaaborinonen yè: ⁴ Má póblena kōn íminao zé vī ma zīi guuroo? ⁵ Má à zé vī màgō té kōn nō Yesudeeo guu kè m̄eé gaan lán z̄iri kpaano kōn Dii dāaronō kōn Pitao bàroo? ⁶ Mamōma kōn Banabao wa gōon plaa, wámbe wá zé vī wà wa z̄īi tónloo? ⁷ Dé bé è soza ble a zīnda bōkō o o? Dé bé è lí ba, ben è à b̄eé bleroo? Dé bé ègō zù dāa, ben è à zwii miroo?

⁸ Baa kè gbēntee yākenanon má l̄ekōzioare, à kú Musa doka guuleroo? ⁹ À kēna Musa doka takadan wà bè, àton l̄eō da zūne gurō kè èe pów̄e gbēero. Zùn Luda è làakari dōaó? ¹⁰ Wa yānzi à yā pì òziroo? Eè, wa yānzin wà yā pì k̄zi, le búbari gae sè wa kōn tāmaao, pów̄e gb̄eri gae pó gbē kōn tāmaao, eé

a baka e à guu. ¹¹ Tó wa Luda yā t̄̀ a té, ben wa wa baka èawa, yāken yó? ¹² Tó dan̄ zé beee vīawa, wé wa pó o d̄́ó? Wée sée zé beee guuro, wa yā píngi f̄̀, le wàton zé z̄́ Kirisi baaru nnaanero yānzi. ¹³ Á d̄́ kè Luda ua z̄́kerin̄ è Luda ua pó bleroo? Luda gbāgbākii sa'orin̄ è n̄ baka le gbāgbākii pì guuroo? ¹⁴ Len Dii diè a baarunnakparin̄ ḡ́ pó blee baaru pì kpana yā musu le. ¹⁵ Baa k̄n beeeo mée zé p̄n̄ ke séro, bens̄ mée beee oo le wà kemε yānzinlo. Gaa maame de beela. Gbēke é e à kpá ma ñadāna k̄nero. ¹⁶ Kirisi baarunnakpana demε ñadāna yā ūro, tiasi bé à ɔ t̄̀ma. Wāiyoo mapi, tó mée baaru nnaa pì kpaaro. ¹⁷ Tó mée z̄́i pì keε k̄n ma z̄́inda p̄yeziomε, ma wée d̄́ asaiazimε. Lán Luda bé à n̄amε ma ɔz̄́ nà, à k̄s̄ s̄io mà kemε. ¹⁸ Bóme ma asaia ūu? Tó ma baaru nnaa pì kpà ɔs̄s̄ana sai, tó mée iko kè má v̄́ baaru nnaa pì kpana guu kem̄maro, ma asaian gwe.

¹⁹ Baa kè gbēkee ma v̄́ro, ma a z̄́inda diè zò ū gbē pínginε, le mà gbēn̄ e pari yānzi. ²⁰ Kè má kú k̄n Yudan̄, ma ḡ́ lán n̄ bà, le ā ma yāze e yānzi. Kè má kú k̄n Musa dokadarin̄, ma ḡ́ à d̄̀ari ū, baa kè à iko v̄́maro, le à d̄̀arin̄ ma yāze e yānzimε. ²¹ Kè má kú k̄n doka pì d̄̀arisaideen̄, ma ḡ́ lán n̄ bà, le ā ma yāze e yānzi. Èe ke ma b̄́ Luda doka z̄́ennlo, Kirisi bé à iko v̄́ma. ²² Kè má kú k̄n gbē busanano, ma busa, le ā ma yāze e yānzi. Mèè ḡ́ pó píngi ū gbē pínginε, baa dia, le mà e mà n̄ gbēken̄ mì sí. ²³ Yā kè mèè ke píngi, mèè ke Kirisi baaru nna yānzimε, le mà a baka e à aubarika guu.

²⁴ Bàkpak̄s̄ona guu, gbē píngi bé è bàa lé, mode á d̄́ kè gbē m̄̀n doo bé è bleroo? À bàa lé le se, à e à

ble. ²⁵ Kōkō'ori pīngi è a zīnda tòto ke, è a zīnda foru ke yā pīngi musu. È ke le fūra kè è yaka ena yānzi. Wamowa sō, à kè è yakaro yānzime. ²⁶ Beee yānzi bà kè mée lee, má dō pō kè mée peea, èe ke mée o si kaa gukorianlo. ²⁷ Auo, mēē ĩa da ma mēa, mēē ma mē takii ke, le ma waazikena danone gbera, m̄aton bō pāro yānzi.

10

Làakarikena tāagbāgbānazi

¹ Ma gbēno, má yezi wa dezino yā kèkii doagu. Aō tē téluguuzi n pīngi, aō táa ò wà b̄e Isia Tēaan n pīngi. ² Luda n batisi kè téluguu pì guu kōn ísīaa pìo n pīngi Musa ìbanō ũ. ³ Aō Luda pōble dōnkō blē n pīngi, ⁴ aō Luda í dōnkō mì n pīngi, zaake aō Luda kp̄iii kè kúnyo í mì. Kp̄iii pì sō bé Kirisi ũ. ⁵ Baa kōn beeeo aō paridee yā e ká Ludanero, ben aō gè ḡò kp̄áe gbāan. ⁶ Yā pì d̄ewe sēeda ũ, le w̄aton yā zaaa ni d̄e, lán aō à ni dè n̄aro. ⁷ Àtongō d̄e tāagbāgbārinō ũ lán aō gbēkenō b̄aro. À kēna Luda yān wà b̄e: Gbēno v̄ēē w̄èē pō blee, w̄èē í mii, ben aō f̄ēē w̄èē p̄āp̄āa k̄ēē. ⁸ W̄atongō d̄e p̄āp̄akerinō ũ lán aō gbēkenō b̄aro. Aō p̄āp̄āa k̄ē, ben aō ḡaga gurō dōnkō zī ḡōn b̄oro baro aw̄ēē'aagō. ⁹ W̄aton Dii yō wà gwa lán aō gbēkenō b̄aro. Aō à ȳò wà gwà, ben ml̄ēno n soso aō ḡaga. ¹⁰ Àton wisōo ká lán aō gbēkenō b̄aro. Aō wisōo k̄a, ben ga malaika n d̄ēd̄e.

¹¹ Yā pì n lé sēeda ũ wamowa kè wá kú gurō zāannone, ben wà kè takadan le wà wa gbao làakari yānzi. ¹² Gbē kè èe daa á zena gbāa, à làakari k̄e l̄ēnazi. ¹³ Yōagwana kee e a lero, séde kè è baade

píngi lee baasiro. Luda náane vī, eé tó wà a yō wà gwa de a gbāa lélaro. Yōagwana guu eé a gba zé à mena fō à bōn.

¹⁴ Beee yānzi ma gbē yenzideenō, à mì kē tāagbāgbānaa. ¹⁵ Mée yā ooare làakarideenō ũ. À yā kè mée ooaree laasuu lé a zīnda à gwa. ¹⁶ Togo aubarikadee kè weè sáabu kpáo, tó wá mì, wa bà kú Kirisi aruoroo? Burēdi kè weè lílikōre, tó wá sò, wa bà kú Kirisi mēoroo? ¹⁷ Zaake buredi kōō dome, baa kōn wa parikēeo wa mē dōnkōme, wa baade a baka vī kōō dōnkō pì guume. ¹⁸ À gwa Isarailinōa. Gbē kè sa'opō blè bà kú kōn Luda gbāgbākiioroo? ¹⁹ Ma bè diamē? Mée bee tāa sa'opōblee né pōken yó? Ke aō tāanō né pōkeme? ²⁰ Lenlo, ma bè pó kè wà saa òo, wà ò tāaame, èe ke Ludaanlo. Má yezi a bà gō kú kōn tāaoro. ²¹ É fō à Dii togo í mi kōn tāa pōoro. É fō à Dii pó ble kōn tāa pōoro. ²² Ke wá yezi wà Dii nōsegōaanō fēeme? Wa gbāaa kà à ũn yó?

²³ Èè be, yā píngi zé vī. Lemē, mōde yā píngi àre vīro. Èè be, yā píngi zé vī. Lemē, mōde yā píngi kaarana vīro. ²⁴ Gbēke zīnda yā tón dōne aero, sé à gbēdaaa yā. ²⁵ À nòbō kè wèe yaa yàran só yāke gbekana sai a laasuu yānzi, ²⁶ zaake tōte kōn pó kè kúnno píngi né Dii pómē. ²⁷ Tó Yesusaidee a sisi pōbleea, tó à kēare, tó a gaa, à pó kè wà kpàawaa ble yāke gbekana sai a laasuu yānzi. ²⁸ Tó wà gà wà bèare sa'opōbleeme, àton blero laasuu yānzi kōn gbē kè òare yānzio. ²⁹ Mée beee oo adee laasuu yānzime, èe ke a pónlo.

Gbē pānde laasuu yānzin mégō ma zīnda vīziroó? ³⁰ Tó ma pó blè kōn sáabukēnao, bōyānzin wè ma zaa bo pó kè ma sáabu kēzi pì yā musuu? ³¹ Yā kè

ée keε píngi, ée pò bleen yoo, ée í miin yoo, àgõ à píngi keε Luda tóbɔna yānzi. ³² Àton tó Yudanɔ ke Girikinɔ ke Luda sɔsi gbēnɔ fu a yākɛna yānziru. ³³ Len mɛè ke ɛ. Yā píngi guu mɛè aĩa ke, ɛ ma yā ká baade pínginɛmɛ. Mɛè ma zīnda pɔnnaa wɛtɛro, sé parii pò, ɛ aɔ e wà bɔ yānzi.

11

¹ Àgõ ma yākɛna dadaa, lán mɛè Kirisi pò dada nà.

Nɔgbēnɔ pòkuna ní mìa yā

² Ma a sáabu kpà kè ma yā ègõ dɔɔagu yā píngi guu, bensõ á keatokɔnɛpɔ kè má dàareenɔ kūna. ³ Má yezi àgõ dõ kè Kirisi bé gõgbē píngi m̀ ù, gõgbē bé nɔgbē m̀ ù, bensõ Luda bé Kirisi m̀ ù. ⁴ Gõgbē kè èe adua keε ke èe annabikɛyā oo kɔn pòo kuna a mìa e a m̀ kpɛ bɔɔmɛ. ⁵ Nɔgbē kè èe adua keε ke èe annabikɛyā oo m̀gbā e a m̀ kpɛ bɔɔmɛ, à de lán à m̀ potoopo bàme. ⁶ Tó nɔgbē e pò kú a m̀iaro, à a m̀kā kēε. Zaake m̀kākēεna ke m̀ibona de nɔgbēne wíyā ù, à pò kú a mìa. ⁷ Èe kó sío gõgbē pò kú a m̀iaro, kè à de Luda taka kɔn à gakuio ù yānzi. Nɔgbē sõ bé gõgbē gakui ù. ⁸ Zaake Luda e gõgbē bɔ nɔgbē guuro, nɔgbēn à bò gõgbē guu. ⁹ Èe gõgbē ke nɔgbē yānziru, nɔgbēn à kè gõgbē yānzi. ¹⁰ Beee yānzi kɔn malaikanɔ yāo dɔ, séde nɔgbē gae pò kú a mìa a zā iko sèeda ù. ¹¹ Dii guu nɔgbē kuu a zīndane gõgbē sairo, gõgbē sõ kuu a zīndane nɔgbē sairo. ¹² Zaake lán nɔgbē bò gõgbē guu nà, len dɔ gõgbē è bɔ nɔgbē guu ɛ, bensõ pò píngi è bɔ Luda kiiame.

¹³ À yā p̀i laasuu lé à gwa. Nɔgbē aduakɛna m̀gbā maaó? ¹⁴ Á dõ a zīndane kè m̀kā gbāa de gõgbēne

wíyā ūroo? ¹⁵ Mòde tó nɔgbē vī, à denε gakui ūme, zaake Luda nɔgbē gbà mīkā à kúalame. ¹⁶ Tó gbēke yezi à leokpakōa ke, àgō dō kè wapinɔ kōn Luda sɔsinɔ, wá yā pānde kūnaro, sé beee.

Dii póblee

(Mat 26:26-29, Maa 14:22-25, Luk 22:14-20)

¹⁷ Yā kè má yezi mà daare tiaa guu, mé a sáabu kpáro, zaake a kakōana è zaaa iare de à maaala. ¹⁸ Káaku gīa má mà, tó a kō kākōa, èè bɔ kō kpεε gāli kōn gāliomε. Ma yā pì sì kpado. ¹⁹ Séde kēkēkōana gō kú a té, le wà yāpuradeenɔ dō a té. ²⁰ Tó a kō kākōa, èe ke Dii póbleen èè blero, ²¹ zaake a baade è wā a póbleezimε. Nɔaa è gbēkenɔ de, wεε è gbēkenɔ de. ²² Á bee vī à póblee, à í minloo? Ke èè kya ká Luda sɔsin à wí da pòsaideenɔamε? Mé oare diamε? Mé a sáabu kpán yó? Kài! Mé a sáabu kpá yā beee musuro.

²³ Yā kè má sì Dii kiia, má dàareen yè: Zī kè wà Dii Yesu kpàmma, à gwāavī pìà à buredi sè, ²⁴ ben à aubarika dàn à lìlikōre, ben à bè, a mè kè à kpà a yānzin yè, àgaegō beee keε a yā dɔnaagu yānzi. ²⁵ Lemε dɔ kè aō póblee wà yāa, à togoo sè à bè, Luda bà kuuna kōn gbēnɔ dufu a aru gāzīn yè. Tó ée mii, àgaegō mii à yā dɔnaagu yānzi. ²⁶ Zaake tó a buredi pì sò, tó a í pì mì, ée Dii gaa baaru kpaa ai àgō gá mómε.

²⁷ Beee yānzi tó gbē buredi pì sò, tó à Dii í pì mì, buredi kōn í pìò yādasai, à taari kè Diine à mè kōn à aruo yā musumε. ²⁸ Baade a zīnda yā gwa, gbasa à buredi pì só, à í pì mi, ²⁹ zaake tó gbē sò, tó à mì Dii mè gbádōsai, à yā dà a zīndalame. ³⁰ Beee yānzi gyāreenɔ kōn aafiasaideenɔ pari a tézi, bensō gbē

kè aṣ kè sainṳ kēsānaro. ³¹ Tó wé wa zīnda yā gwa, Dii é wa taari ero. ³² Tó à wa taari è, èe wa tootoome, le yā tón vēewa kōn andunaoro yānzi. ³³ Beee yānzi ma gbēnṳ, tó a kō kākōa, ée Dii pó blee, àgae kō dā. ³⁴ Tó nṳaa e gbē dεε, à pó ble a bε, le a kakōana tón yā iarero yānzi. Mé yā kè gōnṳ bōkōtεare, tó ma mṳ.

12

Luda Nini gbaanṳ

¹ Ma gbēnṳ, Luda Nini gbaanṳ yā musu, má yezi àgō dōna sairo. ² Á dō kè gurṳ kè á dε kifinṳ ũ, tāa kè aṣè yā oroonṳ bé wègō a gáεε, wàgō dṳare aε. ³ Beee yānzi má yezi àgō dō kè Luda Nini è di gbēa à Yesu láari kero, bensō gbēke é fō à be Yesun Dii ũro, séto Luda Ninii dōne aε.

⁴ Gba borii pari, mṳde Luda Nini mèn doo pìme. ⁵ Zī borii pari, mṳde Dii mèn doo pìme. ⁶ Gbāa sèedanṳ borii pari, mṳde Luda mèn doo pìme, àmbe è à píngi kε baadenε. ⁷ Luda Nini è didi baadea gbē píngi kaarana yānzime. ⁸ Luda Nini è gbēke gba zé à òndō yā o, ben Nini mèn doo pì è gbē pānde gba zé à dōna yā o. ⁹ Nini mèn doo pì è gbē pānde gba ludanaanεkεna zé, gbē pānde sō gbēkēkōana zé. ¹⁰ È gbē gba dabuyākεna zé, gbē pānde sō annabikεyā'ona zé. È gbē gba zé à niniinṳ dōkōzi. È gbē gba zé à yāke borii o, è gbē gba yāke borii pì bōkōtεna zé. ¹¹ Nini dōnkō mèn doo pì bé è à píngi kε, è gbaa pì da baadenε lán à yezi nā.

Mè kōn a guunṳ

¹² Mè mèn do guunṳ pari. Baa kōn à parikεεo, mè mèn doome píngi. Len wa kuuna Kirisi guu dε le se.

13 Wapinŏ píngi, Yudanŏ ke bori pāndenŏ, zòñŏ ke wēenēnŏ, Luda wa ke mē dōnkŏ ũ kōn a Nini mēn doo pì gbāaaome, à wa gba a Nini mēn doo pì, ben wá mì wa píngi. 14 Mēguunŏ pari, èe ke mēn donlo. 15 Tó gbá bè, lán òñ a ũro nà, á de mē pó ũro, beee yānzi eégŏ de mē pó ũroziŏ? 16 Tó swā bè, lán wēen a ũro nà, á de mē pó ũro, beee yānzi eégŏ de mē pó ũroziŏ? 17 Tó mē būnu de wée ũ, bón weé yā mao? Tó mē būnu de swā ũ, bón weé pó gūu mao? 18 Lán à de nà, Luda mēguunŏ pèpekōre aŏ píngi, lán à yezi nà. 19 Tó aŏ píngi de mēgu bori dōnkŏ ũ, mē égŏ kú máme? 20 Tia la mēguunŏ pari, mē mēn dome. 21 Wée é fŏ à be òñe a bà kúororo. Lemē dŏ mì é fŏ à be gbáne a bà kúororo. 22 Mēguu kē wée daa à kēsāna, mē é fŏ à ke à sairo. 23 Mēguu kē wée daa à gakui vīro, wē à kpe da de mēgu kpaaanŏla. À guu kē wée à ena diēe wíyā ũ, wē pó nazi de mēgu kpaaanŏla, 24 mŏde à kē maaa bà kú kōn beeeoro. Kē Luda mē kākŏa, à gakui kàara pó kē gakui e kēsāanmanŏne de mēgu kpaaanŏla. 25 Le mē tóngŏ kpaatetenaro, à guunŏ kŏ yā dŏ. 26 Tó mēguunŏ dokee e nawēa kee, à mēgu kpaaanŏ píngi è keome. Tó wà mēgunŏ doke kpe dà, à mēgu kpaaanŏ píngi è ponnaa keome.

27 Ámbe Kirisi mē ũ, bensŏ a baade de mē pì guu ũ. 28 Káaku gīa Luda zīrinŏ diēe sŏsi guu, à plaadee annabinŏ, à aagŏde yādannerinŏ, beee gbēra dabudabukerinŏ, beee gbēra gbē kē à n gbá gbēkēkŏana zénŏ kōn dōnlerinŏ kōn yāgŏgōrinŏ kōn gbē kē aŏe yāke borii oonŏ. 29 Zīrinŏn n ũ n píngiŏ? Annabinŏn n ũ n píngiŏ? Yādannerinŏn n ũ n píngiŏ? Dabudabukerinŏn n ũ n píngiŏ? 30 Luda

gbĕkĕkōana gba dànnε ń ṕngin ý? Aṣè yáke borii o ń ṕngin ý? Aṣè yáke borii bókōte ń ṕngin ý? ³¹ À wéε pé gbaa kè deńlaana.

Tia sa mé zé kè maa deńlaa oḁbaare.

13

Yenzi

¹ Tó ma yáke borii ò, gbĕntee ke malaika ṕ, tó má yenzi v́ro, ma ḱi kè lán m̀lɛna ke s̀g̀g̀pana bàme. ² Tó ma annabikεyá'ona gbaa è, tó ma yā ṕngi asii mà, bensō má dōna ṕngi v́, tó ma ludanaanekena kà mà kp̄iii s̄ki kpá, tó má yenzi v́ro, ṕken ma ūro. ³ Tó ma ṕ kè má v́ino kpàate takaasideenone ṕngi, tó má tò wà té s̀ma, tó má yenzi v́ro, à àre v́m̄ero.

⁴ Yenzi mena v́, à gbĕkεε v́. Yenzi è ǹseḁaano kpányoro, è a z̄inda sé lez̄iro, è ãa dāro. ⁵ È wí dańmaro, è a z̄inda maaa wetero, è f̄ńzi kpaaro, è yā da a ǹse guuro. ⁶ È yāa ḁ à zaaaro, è p̄onnaa ke k̄n yāpuraaome. ⁷ Yenzi è yā ṕngi f̄, è yā ṕngi náane ke, èḁ yā ṕngi t̄maa v́, è mena k̄n yā ṕngio.

⁸ Yenzi yāana v́ro. M̄ode tó annabikεyá'oname eé yāa, tó s̄ yákebori'oname à lé é ze, tó d̄name, eé ḡ zéla. ⁹ Zaake wa dōna k̄n wa annabikεyá'onao e paparo. ¹⁰ Tó yā papana gur̄o m̀, à kè è paparoo é ḡ zéla. ¹¹ Kè má de né féte ū, mèè né féte yā o, mèè né féte laasuu lé, mèè yā gwa lán né féte bà. Kè ma ke gb̄ ōndōna ū, ma o kpà néfetekεyāzi. ¹² Tia la wée guu ee dígi guu dāadāa, z̄i beeea s̄ wé wéε sik̄le. Tia la ma dōna e paparo, z̄i beeea s̄ mé yā d̄ wásawasa lán Ludaa ma d̄ nà. ¹³ Tia sa yā m̀n

aagɔ̀ kɛ̀nɔ̀ bé wà gò: Ludanaanekena kɔ̀n tãmaao kɔ̀n yenzio, mɔ̀de yenzi bé à deńla.

14

Yakebori'ona kɔ̀n annabikɛyã'ona

¹ À tó yenzi dɔ̀are aɛ, à wée pé Luda Nini gbaanɔ̀a, atɛ̀nsa annabikɛyã'ona. ² Gbɛ̀ kè èe yãke borii oo e yã oo gbɛ̀nɔ̀onlo, sé Luda, zaake gbɛ̀kee e maaro, èe asiiyã oo kɔ̀n Luda Nini gbãaaomɛ. ³ Gbɛ̀ kè èe annabikɛyã oo e yã oo gbɛ̀nɔ̀omɛ, èe ń gbaa gbãaa, èe lé daarmamɛ, èe ń làakari kpáeɛ́nɛmɛ. ⁴ Gbɛ̀ kè èe yãke borii oo e a zĩnda kaaramɛ, gbɛ̀ kè èe annabikɛyã oo e sɔ̀si gbɛ̀nɔ̀ kaaramɛ. ⁵ Má yezi à yãke borii o a píngi, mɔ̀de má yezi à annabikɛyã o de beeela. Annabikɛyã'ori de yakebori'orila, séto wèe bɔ̀kɔ̀tɛ le sɔ̀si gbɛ̀nɔ̀ e wà kaara.

⁶ Ma gbɛ̀nɔ̀, tó ma mɔ̀azi, ben ma yãke borii òao, bó àren à vĩaree? Séde ma yã'ona gɔ̀ de yãwɛɛwɛ̀na ũ ke dɔ̀na ke annabikɛyã'ona ke yãdannɛna. ⁷ Lɛn à de le kɔ̀n pɔ̀'ɔ̀bɔ̀rinɔ̀ dɔ̀. Kure ke mɔ̀rɔ̀, tó èe ó bɔ̀ súusuro, weé fɔ̀ wà dɔ̀ dian èe oo nàó? ⁸ Tó kuu ó e bɔ̀ súusuro, sozanɔ̀ é zĩ soru kɛro. ⁹ Lɛmɛ apinɔ̀ se, tó èe yãke borii oo, ben wèe maaro, dian weé yã kè ée oo gbáze dɔ̀ nà? A yã é gɛ̀ ãamɛ. ¹⁰ Yãnɔ̀ borii pari anduna guu, aɔ̀ kee bɔ̀kɔ̀tɛnasai sɔ̀ro. ¹¹ Tó wèe borii kè mɛè à yã maroo oo, mégɔ̀ de à òrine gbɛ̀ zĩtɔ̀ ũmɛ, bensɔ̀ eégɔ̀ demɛ gbɛ̀ zĩtɔ̀ ũ se. ¹² Lɛmɛ apinɔ̀ sɔ̀, lán á aĩa vĩ kɔ̀n Luda Nini gbaanɔ̀ nà, à aĩa ke àgɔ̀ gáo aɛ le sɔ̀si gbɛ̀nɔ̀ e wà kásãa péɛ.

¹³ Beee yãnzì yakebori'ori wée ke, le à e à yã kè èe oo bɔ̀kɔ̀tɛ. ¹⁴ Tó ma adua kè kɔ̀n yakebori'onao, ma ninii bé à kè, ma laasuu e dɔ̀mɛ aɛro. ¹⁵ Tò,

zé, gbē mèn doo bokōte. ²⁸ Tó à bokōteri kuuro, à lé nakōa kakōana guu, à a pó o ado kōn Luda. ²⁹ Annabikēyā'orinō gōon plaa ke aagōonō yā o, gbē kpaaanō laasuu lé aō yāa. ³⁰ Tó Luda yā sù gbē kè vēēnaa, gbē kè èe yā oo yīte. ³¹ A píngi é fō à annabikēyā o doodo, à yā dadakōne a píngi, à kō sé lezī. ³² Sé annabikēyā'orinō gō n lé kūna dō, ³³ zaake Luda ye yā yàaaziro, sé à zédee.

Lán wè ke sōsinō guu nà píngi, ³⁴ nōgbēnō lé gō yītena kakōana guu, zaake aō yā'ona zé vīro. Aō mì sie, lán wà ò Musa doka guu nà. ³⁵ Tó aō yezi wà yāke dō, aō n zā gbekazi be, zaake nōgbē yā'ona kakōana guu né wíyāme. ³⁶ A kiian Luda yā bòn yó? Ke a mèn do yānzin à mōzi?

³⁷ Tó gbē e daa annabikēyā'orin à ū ke gbē kè Luda Ninii dōne ae, àgō dō kè yā kè má kēaree pì né Dii yādiename. ³⁸ Tó gbē pā kpāzi, weé pā kpāzi se. ³⁹ Beee yānzi ma gbēnō, à wéé pé annabikēyā'onaa, mōde àton gí yākebori'onaziro. ⁴⁰ À yā píngi ke a zékpaēa súusu.

15

Kirisi fēna gaan

¹ Ma gbēnō, baaru nnaa kè má kpàare, kè á sì a zeon, má yezi mà εara mà dōagu. ² Baaru nnaa pì bé eé a mì sí, tó á waazi kè má kēaree pì kūna. Tó lenlo, a Yesunaanekēna kè pāme. ³ Yā kè deñlaa kè má sì, má dàareen yè: Kirisi gà wa durun yānzi, lán à kēna Luda yān nà. ⁴ Wà à vī, ben à fēε à gurō aagōdee zī, lán à kēna Luda yān nà. ⁵ À a zīnda òdōa Pitanε, ben à a zīnda òdōa a ìba gōon

²³ Baade kŏn a gurɔɔome. Kirisi bé gàafee káaku ũ, à gbera à gbēnɔ é fee à mógurɔ. ²⁴ Gbasa gurɔ lé ká, Kirisi é kíkēe mì de píngi kŏn ikonɔ kŏn gbáaanɔ, eé a kpata tó De Ludanē. ²⁵ Séde Kirisi gɔ́ kí blee ai Luda gɔ́ à ibeenɔ ke à tinti ũ. ²⁶ Ibēe kè eé à mì de zāan gaa ũ, ²⁷ zaake Luda pó píngi nà Kirisinē a ɔzĩ. Kè à bè, pó píngi kú à ɔzĩ, wá dɔ́ kè Luda kè pó píngi nàne a ɔzĩ pì baasimē. ²⁸ Tó à pó píngi nàne a ɔzĩ, àpin à Né kè à pó píngi nàne a ɔzĩ pì é mì sienē, Luda pì égɔ́ de à píngi ũ pó pínginē.

²⁹ Gbē kè ašè batisi ke gènɔ gēe ũ sɔ́ né? Tó gènɔ è fee yāpuraro, bóyānzi wè batisi ke aš gēe ũzi? ³⁰ Wapinɔ sɔ́, bóyānzi weègɔ́ wa zĩnda da kari guu gurɔ píngizi? ³¹ Kŏn ĩa kè mēè dá a yā musu kuuna Kirisi Yesu wa Dii guuo, mēègɔ́ kú gaa lézĩmē lán guu e dɔɔ nà. ³² Tó ma zĩnda yānzin ma ɔsi kàzi kŏn nòbɔ pásĩnɔ zaa Efesu, bó àren à vĩmēe? Tó gènɔ é fēero, wà pó ble, wà í mi, zaake wé ga ziamē.

³³ Àton tó wà a sāsāro, gbēnna zaaa è dà maaa yakamē. ³⁴ À su a làakaria súusu, àton durun ke dɔro, zaake a gbēkenɔ Luda dɔro. Ma beee ò le à a wíyā dɔ́ yānzimē.

Gàafēenɔ mè

³⁵ Gbēkenɔ é be, gènɔ é fee diamē? Mè kparee takan ašégɔ́ vĩi? ³⁶ Yŏnkɔyāme! Weè pó tɔ́ à b̀de f̀mbabɔna sairo. ³⁷ Tó wà pó t̀, gbaddon yoo ke p̀wēe pānde, è b̀e p̀wēe pì ũro. ³⁸ Luda è tó à b̀e lán à diē nāmē, baade kŏn a boriio. ³⁹ Pó ẁendideenɔ píngi mè d̀nkɔro. Gbēntee pó

ado, ǹb̀oꝛo p̀o ado, b̃aanꝛo p̀o ado, kp̀oꝛo p̀o ado.
⁴⁰ Ludambe p̀oꝛo kuu, anduna p̀oꝛo kuu. Lu-
 dambe p̀oꝛo gakui ado, anduna p̀oꝛo gakui ado.
⁴¹ Ɔf̃ant̃e gakui ado, m̀ovura p̀o ado, s̀oꝛoꝛeꝛo p̀o
 ado. Baa s̀oꝛoꝛe p̀oꝛo gakui b̀k̃o doodo.

⁴² Len eégõ de le gèno f̃eeguroꝛo zĩ. Wè gè ṽi à ṽa,
 eé f̃e ṽana sai. ⁴³ Wè gè ṽi bèe sai, m̀ode eé f̃e
 k̃on gakuio. Wè gè ṽi gb̃aaa sai, m̀ode eé f̃e k̃on
 gb̃aaa. ⁴⁴ Wè gè ṽi anduna m̀e ù, m̀ode eé f̃e
 ẁendi k̀e è ỹaaro m̀e ù. Lán anduna k̀e m̀e kuu
 nà, l̃eme ẁendi k̀e è ỹaaro m̀e kuu le do. ⁴⁵ À k̃ena
 Luda ỹan wà bè, gb̃e káaku Adamu g̃õ gb̃e b̃e ù,
 m̀ode Adamu z̃aa g̃õ nini ẁendikpammari ù. ⁴⁶ Èe
 ke ẁendi k̀e è ỹaaro m̀e bé è do aero, anduna m̀e bé
 è do ae, à g̃era sa ẁendi k̀e è ỹaaro m̀e. ⁴⁷ Gb̃entee
 káaku b̀ò b̀usuti guume, à plaadee b̀ò ludambe. ⁴⁸
 Gb̃e k̀e aõ de t̃ote p̀o ùunꝛo b̀k̃õba k̃on gb̃e k̀e b̀ò
 t̃oten-o. Gb̃e k̀e aõ de ludambe p̀o ùunꝛo b̀k̃õba
 k̃on gb̃e k̀e b̀ò ludambe. ⁴⁹ Lán wá de gb̃e k̀e b̀ò
 t̃oten taka ù nà, len wégõ de gb̃e k̀e b̀ò ludambe
 taka ù le se.

⁵⁰ Ỹa k̀e má òn ỳe ma gb̃eꝛo. Tó kpata k̀e b̀ò Luda
 k̃iia b̀ò gupuraaa, wé e wà ble k̃on wa m̀ero. Wé e
 w̃agõ kú gu k̀e è ṽaroo guu k̃on wa m̀e k̀e è ṽaaro.
⁵¹ À ma, mé asiyỹa oare. Wé ga wa p̃ingiro, m̀ode
 wé li wa p̃ingi ⁵² k̃ando lán w̃e'ibak̃ena bà k̃ak̃aki
 z̃aade p̃eguroꝛo zĩ. Zaake k̃ak̃aki é ó b̀o, gèno é f̃e
 yaik̃usai, wapino s̃o wé li. ⁵³ Séde wa m̀e k̀e è ṽaa
 g̃e à k̀e è ṽaroo guu. Séde wa m̀e k̀e è gaa k̀e g̃e à k̀e
 è garoo guu. ⁵⁴ Tó wa m̀e k̀e è ṽaa g̃e à k̀e è ṽaroo
 guu, bens̃o wa m̀e k̀e è gaa g̃e à k̀e è garoo guu, ben

yā kè kēna Luda yān kè é papa wà bè:

Wà zì blè gaaa, à mì dè.

⁵⁵ Ga, n zìblena tón diaa?

Ga, n sɛwɛɛ kú máme?

⁵⁶ Durun bé ga sɛwɛɛ ũ, durun gbāaa sɔ è bɔ doka guume. ⁵⁷ Wà Luda sáabu ke, kè è tó wà zì ble wa Dii Yesu Kirisi gāzī. ⁵⁸ Beee yānzi ma gbē yenzideenɔ, à ze gbāa gíngin bɔru kpɛɛ sai. À wée tā Dii zīizi gurɔ píngi, zaake á dɔ kè zīi kè ée keɛ Diine pāro.

16

Pɔlu wétegasorukena

¹ Luda gbēnɔ kámasakena yā musu, lán má ò Galatia bùsu sɔsinɔne nà, à ke le se. ² Azumanengo kɔn Azumanengoo a baade gae ɔɔ kè à è a gbāa lén bɔ adona, àgɔ kaakɔa, le àton kámasa pì wete gurɔ kè ma mɔro yānzi. ³ Tó ma mɔ, mé gbē kè a n díe aɔ gánɔ zī Yerusalemu kɔn takadao kɔn kámasa kè á kàkɔaa pìo. ⁴ Tó à kɔ sìo mà gáme sɔ, aɔé gá zeme.

Yā kè Pɔlu kpàkpa à keɛnɔ

⁵ Tó ma bɔɛ kɔn Masedonia bùsuo, mé mó a kiia, zaake mé pā Masedonialame. ⁶ Mée kpákpaà mà gurɔplaa keao. Baa buusie se mégɔ yezi mà bleao, é gá zeme guu kè mé gán. ⁷ Tia la má yezi mà gēala bārararo, mée kpákpaà mà gurɔplaa keao, tó Dii wè. ⁸ Mé gɔ Efesu ai Pentikɔsi zībaa zīme, ⁹ zaake Luda zé bòmɛ maamaa mà zī maaa ke, bensɔ ibeɛnɔ pari.

¹⁰ Tó Timɔti gà à mɔ, àton yā keɛnɛ búgubugu à vīa kearero, zaake èè zīi keɛ Diine lán ma bàme. ¹¹ A gbēke tón kya kánlo. À kūsāe keɛnɛ, le à e à ká ma kiia aafia, zaake mapi kɔn ma gbēnɔ wa wée dɔzi.

¹² Wa gbēndo Apolo s̄, mēḡō nakōreεa ḡn̄ baaaḡō à mó à a gwa k̄n̄ wa gb̄ε kpaaan̄o. À ye m̄n̄nazi ḡīaro. Tó à zé è, eé mó.

Lédamma zāa

¹³ Àḡō kú a làakaria, àḡō zena Yesunaanekena guu. Àḡō wór̄onḡo v̄i, àḡō gbāa. ¹⁴ À yā píngi ke k̄n̄ yenzio.

¹⁵ Á Setefana bēdeen̄o d̄s̄, kè ām̄be Yesude káakun̄o ū Girisi b̄usun, ben ās̄ n̄ z̄inda kpà wàḡō d̄o Luda gb̄ēn̄o lé. Ma gb̄ēn̄o, ma wéε kèawa, ¹⁶ à mì sie gb̄ε beee takan̄oε k̄n̄ gb̄ε kè āoε āīa keε l̄edo z̄i d̄ōnk̄ō p̄i guun̄o n̄ píngi. ¹⁷ Ma p̄o kè nna Setefana k̄n̄ F̄otunatuo k̄n̄ Akaikuo m̄naa, zaake ās̄ ḡōm̄e a ḡēε ūm̄ε. ¹⁸ Āo t̄o ma làakari kp̄àε k̄n̄ a p̄o. À b̄εε lí gb̄ε beee takan̄oε.

¹⁹ Asia b̄usu s̄osin̄o ì kp̄àawa. Akila k̄n̄ Pirisilao k̄n̄ s̄osi gb̄ε kè ās̄ k̄ō kak̄ōa n̄ been̄o ì kp̄àawa maamaa Dii guu. ²⁰ Wa gb̄ε kè wá l̄edoon̄o ì kp̄àawa a píngi. À ì kp̄ák̄ōa k̄n̄ Luda gb̄ēn̄o l̄épeṃmanao. ²¹ Mam̄oma P̄olu, ma ōgb̄en̄ yè. Ma ì kp̄àawa. ²² Tó gb̄εkee ye Diiziro, Luda láari kea. Wa Dii e m̄o. ²³ Dii Yesu gb̄εkeε keare. ²⁴ Má yeazi a píngi kuuna Kirisi Yesu guu.

Luda yá takada kǝn Bokobaru yǎo
The New Testament and portions of the Old Testament
in the Bokobaru language of Nigeria

copyright © 2005 SIM International

Language: Bokobaru

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-09-22

PDF generated using Haiola and XeLaTeX on 11 Nov 2022 from source files dated 9 Oct 2020

c31548a1-5316-53c2-be42-674e0e4c5ae5